



Telecom Kishkayistamihwaywin di Peekishkwawtamoowin CRTC 2023-89-2

PDF ripoor

Kishkayistamihwaywin: 2023-89 pi 2023-89-1

Ottawa, 25 July 2024

Piblik rekor: 1011-NOC2023-0089

Kaksheechahwayw Aen tawd d'arzhawn koonploon kanawaapuhtumoowin – Weestamakaywin ouschi pawhkawn paminikaywin poor weechayhtoowin ouschi Indigene stream

Ooma kishkayistamihwaywin meena ihtakwan ishi itahow la lawnglaez: Awn Cree (Plains) [didawn HTML pi PDF], Denesuline [didawn HTML pi PDF], aen Niskimo (Sud Baffin) [didawn HTML pi PDF], Mi'kmaq [didawn HTML pi PDF], Aen Michif [didawn HTML pi PDF], Montagnais [didawn HTML pi PDF], pi Ojibwe [didawn HTML pi PDF].

1. Didawn *Taypwawchikaywin poor itwaywina – Kaksheechahwayw Aen tawd d'arzhawn koonploon kanawaapuhtumoowin*, Telecom Kishkayistamihwaywin di Peekishkwawtamoowin CRTC 2023-89, 23 Li mwaw'd Mawr 2023, kaw-ishi maenshkootashtahk ouschi Telecom Kishkayistamihwaywin di Peekishkwawtamoowin CRTC 2023-89-1, 17 Li mwaw'd Avree 2023, ooki Mamawohkamawkaywuk kee-weestamwak sa plawn poor kanawaapuhtumoowin ooma Kaksheechahwayw Aen tawd d'arzhawn koonploon. Ooma koonploon kanawaapuhtumoowin itayimoowin chi-oushistahk ooma Kaksheechahwayw Aen tawd d'arzhawn aplikasyon paminikaywin vif nawut pi si tezee, yakashkowa itouwahk ouschi larzhawn kaw-ihtahouhk, pi anavawn weechiwawhkoostouwin avek Indigene li moond.
2. Ish ripoond itayistamoowina kaw-outihtikow ouschi mischayt muwinayshkawkaywak ishi ooma Kaksheechahwayw Aen tawd d'arzhawn koonploon kanawaapuhtumoowin chi-yahkouhtaymakahk, ooki Mamawohkamawkaywuk chi-mawchistawak pawhkawn paminikaywin poor weechayhtoowin di Indigene stream ouschi Kaksheechahwayw Aen tawd d'arzhawn. Ooma itayimoowin ouschi paminikaywin si aykwawnima chi-oushtahk koonploon aykwawnima nawut chi-mamaawinitow Indigene partineuz, rispay see drway pi ishihchikewin, pi anavawn weechiwawhkoostouwin. Ayiwawk weestamakaywin ouschi pawhkawn weechayhtoowin paminikaywin chi-maykihk ishpee neekawnihk Mamawohkamawkaywuk kishkayistamihwaywin.
3. Ooma Mamawohkamawkaywuk kee-oushistawn Indigene Kweetakoowin en Chim (IRT) chi-apiwak ishi kischee kawschitinawtoowin poor Li Promyee Nawsyoon, aen Niskimoo, pi Aen Michif en bawnd pi li alawntour. Ooma IRT sa atoushkaywin si aykwawnima mamaawinitowin avek oohin lee bawnd pi li alawntour chi-weestamahchik ouschi Mamawohkamawkaywuk li troub, avek meena chi-pishkapamayw Indigene li moond sa takoowin didawn Mamawohkamawkaywuk paminikaywina. Ooma IRT chi-weechihwayw

didawn weechayhtoowin paminikaywin chi-kayschinahow aykwanwima peetoush nitawayistamoowina, sa veu, pi kishkayistamoowina ouschi Indigene li moond payistamiwawn.

4. Kaw-akawatahk en parsonn kaw-nouhtay takoow didawn weeput nasawmblee aykwawnihi ouschi Indigene stream natoumawak chi-kawschitinawt IRT
 - awpachsitawin achimoushtawkaywin daw li computer la paezh aykwanwima chikee mishkikawtayw didawn nakishkamouhtawin en seksyoon IRT sa [achimoushtawkaywin daw li computer la paezh](#);
 - ishi daw li computer la mail itay era-irt@crtc.gc.ca;
 - ishi li foonn itay 1-866-236-0122;
 - ishi fax itay 819-994-0218; keema
 - ishi la mail itay CRTC, Ottawa, Ontario K1A 0N2.

Kischee Li Sekritayr